

REGLUGERÐ

um breytingu á reglugerð fyrir vatnsveitur sveitarfélaga, nr. 421/1992, með síðari breytingum.

1. gr.

Eftirtaldar breytingar verða á 9. gr. reglugerðarinnar:

- a. 2. mgr. orðast svo:
Stofn til álagningar vatnsgjalds á allar fasteignir skal vera fasteignamat þeirra.
- b. Í stað orðanna „hver verður líklegur álagningarstofn“ í 3. mgr. kemur: hvert verður líklegt fasteignamat.
- c. Í stað orðanna „0,3 hundraðshlutum af álagningarstofni“ í 4. mgr. kemur: 0,5 hundraðshlutum af fasteignamati.

2. gr.

Reglugerð þessi sem sett er á grundvelli laga um vatnsveitur sveitarfélaga nr. 81/1991, með síðari breytingum, öðlast gildi 1. janúar 2001.

Félagsmálaráðuneytinu, 5. desember 2000.

F. h. r.

Húnbogi Þorsteinsson.

Guðjón Bragason.

AUGLÝSING

um deiliskipulag 1. áfanga athafnasvæðis í Hellnahrauni, Hafnarfirði.

Bæjarstjórn Hafnarfjarðar samþykkti þann 16. maí 2000 nýtt deiliskipulag fyrir 1. áfanga athafnasvæðis í Hellnahrauni. Gildistaka var auglýst í B-deild Stjórnartíðinda þann 31. maí 2000 að því undanskildu að gildistöku fyrir 8 lóðir nyrst í hverfinu var frestað þar til landnotkunarbreyting á aðalskipulagi hefði öðlast gildi.

Landnotkunarbreyting aðalskipulags fyrir þessar lóðir öðlaðist gildi þann 1. september sl.

Hér með öðlast gildi í heild sinni, deiliskipulag 1. áfanga Hellnahrauns.

Tillagan var auglýst samkvæmt 25. gr. skipulags- og byggingarlaga nr. 73/1997 með síðari breytingum og yfirfarin af Skipulagsstofnun.

Breytingin öðlast þegar gildi.

Hafnarfirði, 5. desember 2000.

F.h. Hafnarfjarðarbæjar,

Hafdís Hafliðadóttir skipulagsstjóri.